

Ытыктабыллаах Горнай улууһун олохтоохторо, ыалдьыттара  
уонна күндү биир идэлээхтэрбит!

Саха Өрөспүүбүлүкэтин Үөрэххэ уонна наукаҕа министиэристибэтин уонна тус бэйэм ааппыттан эһигини былыргы үйэлэр мындааларыгар, ааспыт үйэлэр арҕахтарыгар үөскээбит Үрүн Тунах Ыһыах үөрүүлээх күнүнэн итиитик-истинник эбэрдэлиибин!

Сахабыт сириҥ чулуу суруйааччыта Күннүк Уурастыырап «Ыһыах – саха норуотун уруккутун биһирэмнээх үчүгэй үгэһэ, кини бүгүҥнүтэ уонна сарсынны кэлэр кэскилэ барыта холбоһон түмүллүбүт үтүө үгэһэ», диэн эппитин бэлиэтээн туран биһиги дойдубут, Өрөспүүбүлүкэбит, биһиги кэнчээри ыччаппыт, оҕолорбут инникилэрэ эһиги эрэллээх илиигитигэр буоларын итэҕэйэрибитин, инникигэ сайдыылаах көдүүстээх үлэ толору ис хоһоонун уонна сана билиини, арыыйыны инникитин да аҕалыа, сана саҕахтары арыыйа диэн эрэлбитин тириэрдэбин! Дойдубутугар оҕону, кэнчээри ыччаппытын иитэргэ-үөрэтэргэ киирбит уонна киирэр уларыйыылар ис хоһоонноро, ирдэнэр усулуобуйалара, оҕону иити формалара – барыта үүнэр көлүөнэбит кизҥ билиилээх-көрүүлээх, бары өттүнэн сайдыылаах буолалларыгар туһуланаллар, ол аата биһиги дойдубут ситиһиилээх инникитин түстүүллэрин бэлиэтиибин.

Бу үөрүүлээх күнү уруйдаан көрсөөрү туран, күннээҕи үлэбитинэн, үтүө дьыалаҕытынан, амарах санааҕытынан, тулхадыйбат дьулуургутунан дойдубут, Өрөспүүбүлүкэбит үөрэхтээһинэ сайдыытыгар киллэрсэр кылааккыт иһин махтанабын. Инникитин өссө сомоҕолоһон, туруулаһан, сайдыы туһугар бары биир киһи курдук үлэлиэбин, үүнүөххэ-сайдыахха диэн барыгытын ыңырабын!

Бу үүммүт самаан сайын барыгытыгар уйгуну-быйаны, күргүөмнээх - күүстээх, түмүктээх үлэни, үгүс үөрүүлээх түгэни тосхойдун! Барыгытыгар чэгиэн доруобуйаны, дьолу-соргуну, иллээх-эйэлээх, бигэ туруктаах олоҕу баҕарабын!

Министр



В.А. Егоров